

Velferðarnefnd Alþingis

Nefndarsvið Alþingis

Austurstræti 8-10

150 Reykjavík

Reykjavík 23. maí 2017

Efni: Umsögn um frumvarp til breytinga á lögum um réttindi og skyldur erlendra fyrirtækja sem senda starfsmenn tímabundið til Íslands og starfskjör starfsmanna þeirra og fleiri lögum (eftirlit á vinnumarkaði, EES-mál), 457. mál.

Starfsgreinasamband Íslands (SGS) styður frumvarpið og þau markmið sem þar eru sett fram og tekur undir umsögn Alþýðusambands Íslands þar sem lögð er til viðbót við framkomið frumvarp. SGS leggur áherslu á að frumvarpið verði samþykkt fyrir sumarið.

Keðjuábyrgð er eitt öflugasta vopnið í baráttunni gegn félagslegum undirboðum á vinnumarkaði. Nú þegar hafa nokkur sveitarfélög og opinberar stofnanir sett sér slíkar reglur í útboðsskilmálum og má í því sambandi telja upp Reykjavíkurborg og Landsvirkjun sem riðu á vaðið.

Síðustu ár hefur sjónum verið í auknum mæli beint að félagslegum undirboðum og jafnvel mansali á vinnumarkaði og hafa stéttarfélög sérstaklega áhyggjur af ferðaþjónustunni og byggingarframkvæmdum.

Nágrannaþjóðir okkar hafa sömu áhyggjur sem kom glöggleg í ljós í ferð Starfsgreinasambandsins um Norðurlönd nýlega. Þar hafa ákvæði um keðjuábyrgð verið sett inn í kjarasamninga, útboðsskilmála sveitarfélaga og/eða opinberra stofnana eða hreinlega í lög.

F.h. Starfsgreinasambands Íslands



Drífa Snædal, framkvæmdastjóri (sign)